

Parare Domino Plebem Perfectam

A lokisetse Morena Sechaba se phethehileng (Luka 1,17)

Moeletsi oa Basotho

www.moeletsoabasotho.co.ls

Likhoebo li kenya 66% moruong



5

E ama ba nang le bokooa

6

Bokhukhuni bo thibeloe ka nako



8



LNC E FINA SELELU



7

www.moeletsoabasotho.co.ls



+266 28 350 466/

+266 6260 0983 WhatsApp

newsroom@moeletsoabasotho.co.ls

#PARARE DOMINO PLEBEM PERFECTAM

KETEKELO EA LILEMO TSE MAKHOLO A MABELI SECHABA SA BASOTHO SE THEILOE

MOELETSI

Khoang mekhoeng!

Baahi ba ileng ba fallisoa mahaeng a bona nakong eo ho neng ho ahoa matamo a metsi ke Morero oa Metsi a Lihlaba tsa Lesotho (LHDA), ekare ngongoreho ea bona ea nako e telele e tla arabeleha. Letona la Lihlaloeng le Lirafshoang o boletse hore ke boikarabello ba hae ho bona hore batho bao ba phela ka khotso, ka hona a ipiletsa ho bona ho khoba matsoafo kaha tšebetso e se e qalile. Mekonteraka e se e rometsoe eo baahi ba reng ha ba e-s'o fuoe tlaleho, 'me le Mookameli oa LHDA o pakile hore tlaleho ha e-s'o fihle ofising empa a tšepisa hore hang ha e fihla o tla e romela. Basotho bao ha ba fuoe monyetla oa ho phela hantle ntle le khatikelo ea litokelo tsa bona. Ba tlohile moo ba neng ba iphelela hantle ho se mekhoabo le matlo a sa peperane, e le hore Lesotho le ntlafale molomong oa Basotho bohle. Ka hona ba se tsekisoe lerato leo ba le bontšitseng la naha, ba ikarabellang ba phethe litšepiso tsa bona.

Ka lehlakoreng le leng Komiti e alositseng Lihlaloeng le Boiketlo ba Sechaba Paramenteng kamor'a ho etsa lipuputso e fumane hore LHDA e hlotsoe ho phethahatsa litšepiso tsa eona ho sechaba sa metse e mene. Komiti e etsa tsena tsohle kamora hore sechaba sa metse e amehang se kenye tletlebo. Ka hona komiti e kothalelitse hore LHDA e phethahetse merero eo e tšepisitseng joaloka ho aha ofisi ea morena le ho lokisa tsela ka nako e behiloeng. Ebe ke hobane'ng ha LHDA e sitoa ho phetha litšepiso tsa eona?

Lefapha la Mautloela le kene tšebetsong ea bohlokoa ka ho kopana le mafapha ohle a amehang ntlheng ea tšireletso ho tla ka maano a tla thusa ho ntša bokhukhuni ka metso kahara naha; ho bo thibela le pele bo ka etsahala. Mohato ona ke oa bohlokoa haholo hobane Basotho ba phetse kahara tsitsipano nako e telele haholo, Lesotho le tsebahalang ka ho ba lefatše la khotso le fetohile lehaha la likhukhuni. Morero ona e se eka o ka etsoa ka botšephehi 'me oa tlisetsa Basotho litholoana tse hlabosehang. E le hore ho ke ho be le khotso le botsitso lefatšeng lena la Morena Moshoeshoe I.

Maemo ana a fetohileng a leholimo a tla ka khoba ka ho panya ha ntši feela, ha ho omella ho omella haholo ebe nakong eo batho ba bososelang ba thabela pula e fihle e ne hampe ebe e bake tšeny, 'me 'nete feela ke hore pula ke mahlopha-a-senya. Malapa ke ao a se a kopile botšabeli ka lebaka la ho fefoha ha matlo a ona ke pula e neleng ka sefefe. Bana ba likonyana ba t'lo ruteloang hokae ekaba ha sekolo se fefohile tjee? Hona nakong ee eo ho kothaletsoang thuto boemong ba likonyana, ebile ho hloka hore likolo tse joalo li eketsehe kaha li fokola. Leha ho le joalo ba ikarabellang ba se ba entse boithuto 'me ba fetiselitse litaba ho balekane ba bona ho thusetsa maemong ao.

Lekhotla la Tsamaiso la Baoki (LNC) le tšoeroe mohoma ho khatha mofoka o bonahalang o senya seriti sa baoki kahara sechaba. O hlakotse le ho fana ka likotlo ho baoki ba fetang bohloko ba tlotseng molao oa tsamaiso. Baoki ba shebile mpa ea bona ho feta tšireletseho ea bophelo ba sechaba. Motho ha e le Motlatsi oa Mooki empa a theha Litsi tsa Kokelo tse peli, na ehlile o thusa Basotho kapa eena? Ho na le batho ba tsebang ho nka monyetla nakong ea tlokotsi ebe ba qetella ba senya le lintho tse ka tsoelang sechaba molemo. Baoki khoang mekhoeng hobane le sebetsa lefapheng la bohlokoa haholo.

Phano ea ntlo ea ho phehela

Ebile thabo e khaphatsehane le monyaka sekolong sa Kereke e Katholiki sa Mathomo se bitsoang Motimposo, Maseru, ha mofani ea bitsoang Rise Inter-

national a se fa ntlo ea ho phehela lijo tsa barutoana. Tsena li bile ka la 8 Pulungoana monongoaha. Mokete o tlotlisitsoe ka boteng ba Fr. Clement Ra-

motinyane Tampane OMI ea eteletse pele Setsi sa Lithupelo sa Maobla-ta a Maria ea emotsoeng a se na Sekoli seo sekolo se leng tlas'a boetapele ba sona, ho boetse ho e-na le Moemeli oa Naha ea Britani

toana ba sekolo ba ne ba sa pheheloe lijo matsatsing ao leholimo le hloentseng ho na pula, hobane ho ne ho phehela sebakeng se sa sireletsehane. Ruri re leboha Rise International haholo, re e kopela



national a se fa ntlo ea ho phehela lijo tsa barutoana. Tsena li bile ka la 8 Pulungoana monongoaha.

Mokete o tlotlisitsoe ka boteng ba Fr. Clement Ra-

Lesotho, Mohlomphehi Harry MacDonald le Bahlanka ba 'Muso oa Lesotho ho tsoa Lekaleng la Thuto le Koetliso. Pele ho phano ena, baru-

tlhohonolofatso ho Morena Molimo ea matla ohle.

'Mabathoana Khotle Molula-Setulo oa Boto ea Sekolo

Leholuotsoana le fefola matlo

Nthabeleng Seithleko

Ke bonyane matlo a robeli a kenyeletsang Sekolo sa Likonyana le matlo a mane a sa luloeng, a fefohileng Ha Mokhalinyane, Seterekeng sa Maseru, ka la 11 Pulungoana monongoaha.

E mong oa batho ba amehileng Thakane Moalosi, o hlalositse hore matlo a hae a mabeli a fefohile khale nakong ea koloua, ba sala ka e le 'ngoe eo ba neng ba phela ho eona ba tšeletse. O re ha joale le eo e fefohile ba patile hlooho bohali ba hae.

O re ha ho bophelo bo amehileng empa e le hore thepa e senyehile ba setse ho se seo ba e nang le sona kaha nakong ea ho fefoha ha ntlo majoe a ile a

oela holima eona. Ka hoo ba kopa lithuso ka hohle-hohle hore ba boele ba be le motse moo ba tla phela ka bolokohi.

Mokhethoa oa Puso ea Libaka Motsekuoa Khabibi, o hlalositse hore ketsahalong ena ha ho tahlehelo ea bophelo e bileng teng 'me o ipiletsa ho mafapha a ikarabellang ho thusa malapa ana kaha bohloko ba setse ho se moo ba tla tšabela teng. Lithepa tse amehileng ke tsa ka tlung le motlakase. Ofisiri e ikarabellang

Tšebetsong ea sechaba Lefapheng la Taolo ea Likoloua le Thibelo 'Mantho-na Seliane, o itse ba bile sebakeng seo ho ithuta boemo le ho fana ka mekhoha e potlakileng ea hore baahi ba sireletse matlo le thepa ea bona.

A re mosebetsi oa bona ke ho ngola tlaleho eo ba tla e fetisetsa mafapheng ao ba thusanang le ona joaloka World Vision le Mokhatlo oa Sefapano se Sefubelu hore ba tsebe ho thusetsa maemong ana.

Contacts: +266 28350 466 / 6260 0983 (Whats app)
Email: moeletsioabasotho@gmail.com

MOELETSI oa BASOTHO
A LOKIBETSE MORENA SECHABA SE PHETHELENG (LUKE 1:17)

Editorial

Lesoetsa Rakubutu (Editor)
(+266) 58490670 / 62031949
editor@moeletsioabasotho.co.ls

Lehlohonolo Mohale (Sub-editor)
(+266) 58 771 507 / 62 771 507
subeditor@moeletsioabasotho.co.ls

Advertising

Thabo Lesaana
(+266) 28 350 466/ sales@moeletsioabasotho.co.ls

Newsroom

Nthabeleng Seithleko 57 665 038/ 68 216 721
nthabeleng.seithleko@moeletsioabasotho.co.ls

Tšeliso Thakholi (Sports) 58 540 853/ 63 480 404
tseliso.thakholi@moeletsioabasotho.co.ls

newsroom@moeletsioabasotho.co.ls

Production Desk

'Mateele Liqa, Sr. Canicia Nthunya

57396597
28 350 815

28 350 466
lesaoan@gmail.com

Malebela

Scan me

U se u ka fumana buka ea Malebela ho marang-rang a boletsoeng ka tlas'e kapa oa sebelisa code e kaholimo.

"Get the Akello app on Play Store, App Store, or Huawei App Gallery for Mazenod books and more. Download now!"

<https://library.akello.co/downloads>

akello

SADP II e mema baphatlatsi

Tšelisothakholi

Morero oa Nt-lafatso ea Lihoai tse nt-seng li Thuthu-ha(SADP II), o ne o memetse baphatlalatsi ba litaba phuthehong ea matsatsi a mabeli Pitseng, Leribe ka la 11 ho isa la 12 Pulungoana monongoaha ho ea ba beha leseling ka letšolo la bona la ho bulela lihoai phumantšo ea lithuso tsa lichelete, ho ba hlalose tsa ka Morero oa

lo e meraro ea matlole a lithuso. Letlole la pele ke le bohareng leo sehoai se fuoang thuso ea chelete e kaalo ka M500,000.00, la bobeli ke letlole le leholo la M1.5Millione la boraro ke la bacha la chelete e kaalo ka M300,000.00. A re lithuso tse tsa lichelete SADP II e fana ka 70% ha mokopi a tlatsetsa ka 30% ea chelete eo a e kopileng.

A hlalosa hore sehoai ka seng seo ba se thusang ka lichelete se tlatsetsa ka letho, “me ha re bala chelete eo SADP II e fanang ka eona re kenyeletsa le eo sehoai se faneng ka eona.” A tiisa hore SADP II e fana



SADP II le maemo a temo ea Lesotho.

H'a bua le baphatlalatsi ba litaba Ofisiri ea SADP II tlasa Lenaneo la Lithuso tsa Lichelete ho Lihoai, Monghali Tankiso Mothae o ile a ba hlalose tsa hore SADP II e na le mekhahle-

feela ka chelete ho motho ea seng a ntse a e-na le eona.

A bontša hore SADP II hara tse ling tsa lintho tseo e li thehetsoeng ke ho thusa Basotho ho fihlela temo e tla tseba ho ikemela khahlanong le phetoho ea boemo

ba leholimo, ho ba thusa ho ea temo-khoebong, ho nepa litaba tsa temo le phepo e nepahetseng. A re SADP II e ahiloe ka mekhoha e meng e leng oa tsamaiso, e le ho aha tsebo ho lihoai ka phetoho ea boemo ba leholimo. A re e boetse e sebetsana

le ho ntlafatsa tsebo le ho e kenya tšebetsong, noesetso kahare ho naha le ho ntlafatsa temo hore e fihlele boemong ba khoebo.

A re boholo ba bophelo ba Basotho bo itšetlehile ka temo, ke ka lebaka lena e hlalosoang e le mokokotlo

oa moruo oa naha. Ka hona e lokela hore ebe e 'ngoe ea lintho tseo Basotho ba lokelang ho e tšoa ka tse-la e hlokolosi hobane ba phela ka eona. A re leha e le mokokotlo oa naha ho bonahala boholo ba batho ba lema ka sepheo sa ho fepa malapa e be ho salang eba hona hoo ba ka ho rekisang. “Temo ea rona ke e etselitsoeng ho koala lephako e se khoebo.” Ke Mothae eo.

Ho ea ka e mong oa baphatlalatsi ba litaba, Molise Rasello o boletse hore phutheho ena e bile bohlokoa haholo ho bona kaha e ne e tlii'o ba hlokomelisa ka bohlokoa ba SADP II, le hore ba il'o fana ka melaetsa ho lihoai ho ea itokisetse ho tla qala ho etsa likopo tsa lithuso tsa lichelete. A re ba boetse ba tliilo fana ka malebela ho sechaba ka letšolo la SADP II la ho thusa Basotho ho etsa hore temo ea bona e fetohle khoebo.

Thekiso ea manyolo e'a khefutsa

Nthabeleng Seitlheko

Ele ho matlafatsa kabo le thekiso ea manyolo ka nepo, hore e anele batho bohle, Lekala la Temo le Kanetso ea Lijo le fetotse mokhoa oa theko ea manyolo le menontša ka hore sehoai se reke se sebelisa karete ea boitsebiso le ho hlalisa bopaki ba boholo ba masimo a sona. Tsena li

boletsoe ke Raliphatlalatsi Lekaleng la Temo le Kanetso ea Lijo Lereko Masupha, ka la 12 Pulungoana, monongoaha.

O re sena ba se fihletse hobane ba ile ba hlokomela hore lihoai tse ling li reka manyolo le menontša ka bongata ba il'o li rekisa e leng se sitisang lihoai tse ling ho fumana manyolo le ho ama temo. O re mokhoa ona o tli'o etsa hore ba nolofalloe ke ho tseba le ho netefatsa hore e fela motho e le sehoai le hore lenane la lihoai le eme joang kahar'a

naha.

A re ha joale ka lebaka la khaello ea menontša literakeng tse 10 tsa naha, ba khinne thekiso ea menontša ha nakoana ka sepheo sa ho bokella sesiu se tlang ho anela karolo e kholo ea naha. O re ba etsa sena ho qoba ho kenya sechaba litšenyehelong tsa ho batla menontša e sieo.

O itse nakong ena eo lihoai li leng leetong la temo ea Lehlalaba, lekala le tobane le phephetso ea tlhokahalo ea menontša ho tsoa Afrika Boroa kaha Le-

sotho le fumana menontša e fokolang ba bile ba sitoa ho ithahisetsa menontša.

A re menontša e teng ha joale ke e sebelisoang ha lijalo li se li hlahile, e felileng ke e sebelisoang bakeng sa ho lema poone le mabele.

E mong oa lihoai tse sa fumanang manyolo Tlaba Sebeletsane, o hlalositse hore o ikemiselitse ho kena temong ea khoebo le ea boipheliso, empa tsela eo lekala le tšoarang litaba ka eona e etsa hore ba qetelle ba hula ka litlhako tsa morao ka lebaka la tlhoka-

halo ea manyolo.

A re ba khothaletsa ho kena temong empa maputulo a 'muso a ho tšehetsa temo a fokola haholo, 'me hoo ho ama kholo ea bona le ea sechaba haholo mafutsana a se nang le mokhoa oa ho fihla libakeng tseo ho fumanehang manyolo. Ka hona a khothaletsa 'muso ho ithahloba kaha baetapele e le bona ba atlehileng ho lema ka nako ebe ba tla rorisoa ka hore temo ea bona e atlehile ba tsebe ho khaketsa mafutsana.

RE TŠEHETSA BACHA

Tšeliso Thakholi

Koranta ea Moeletsi oa Basotho e khothatsa le ho bontša bacha hore ha ba sebelisa litalenta tsa bona, ba bile ba ikopantse ho ithehela mekhatlo ka sepheo sa ho sebetsa 'moho, ba ka tseba ho fenyha tlala le tlhokahalo ea mesebetsi ena e aparetseng bacha naha ka bophara. Lekhetlong lena re ile ra ikopanya le mokhatlo oa bacha o shebaneng le ho thusa bacha ka lipeo tsa lipalesa le ho itlhalisetsa sethopo sa mefuta e fapakaneng ea lifate. Mokhatlo ona o bitsoa Setsoto Youth Club (SYC).

SYC ke mokhatlo oa bacha o fumanehang Tele Seterekeng sa Quthing, 'me o se o e-na le lilemo tse peli o thehiloe. O sebetsana ka kotlolo le ho holisa le ho matlafatsa litalenta tsa bacha litabeng tsa temo ea lipalesa, lifate tsa tlholeho, tsa meru le tsa litholwana. Mokhatlo o thehiloe ka kopanelo ke litho tse 15 tsa bacha ba lilemo li 18 ho isa ho 35 kaha e le tsona lilemo tse amohetsoeng e le bacha.

Mokhatlo ona boholo ba litho tsa ona ke ba tsoang Sekolong se Seholo sa Temo, 'me ho latela meralo ea bona ba na le bacha bao mosebetsi oa bona e leng ho hlahisa peo ea lipalesa ka mefuta, e ka ba ke tsa tlholeho kapa tsona tse tloaelehileng. Karolo e 'ngoe ea bacha ho latela litsebo tsa bona e hlahisa sethopo tsa lifate ka mefuta ea tsona. Ka tšebetso ena

eo SYC e etsang ha e loantše tlala feela empa e boetse e kentse letsoho le toma ho hleka bacha literateng tsa metse ea toropo ea Quthing, ho ba qobisa litlolo tsa molao ka ho ba thusa hore ba tsebe ho iphelisa ka litsebo tseo ba nang le tsona. Ba boetse ba khakotse

habeli ka khoeli. SYC e tsoile letšolo hape la ho rupela bacha ka mekhatlo ea bona le ka bo-mong ka temo ea sethopo sa lifate le ho itlhalisetsa lipeo tsa lipalesa, e le o mong oa mekhoha ea ho ba thusa hore ba tle ba tsebe ho iphelisa. Taba e 'ngoe ea bohlokoa

nako e telelele ba ntse ba batla mesebetsi empa ba ka tseba ho iphelisa ka temo ea lipalesa le meru. Ba fana ka tlhabollo ho bacha. Monongoaha ba se ba ile ba tšoarela bacha lithupelo bakeng sa ho itlhalisetsa sethopo sa lifate tsa meru le tsa liperekisi, ka makhetlo

ebe ba kena ntlo le ntho ho li rekisa le mapatlelong a toropo. Morero oa SYC ha se ho thusa bacha feela ba ileng likolong ho hlahisa lithopo tsa lipalesa le lifate, empa le ba sa kenang sekolo ba amohelehile. Ka mokhatlo oa SYC bacha ba khothaletsa boikopanyo, ka litsebo



lenaneo leo ka lona ba etelang balisana, ho ba ruta ka bohlokoa ba ho boloka tlholeho, ka ho lema lifate tsa meru le ho baballa makhulo ka ho se a chese. Litabeng tsena ba fana ka thuto mahala

ke hore ba boetse ba thakelana ka malebela le bacha ba seng ba ntse ba iphelisa ka temo, tlhahiso ea lifuru, leruo la linotši le temo ea mefuta e fapakaneng ea majoang e le ho ba qobisa ho nka

a mararo likarolong tse fapakaneng tsa Setereke sa Quthing. Ntlha e 'ngoe ea bohlokoa ke ea hore lifate le lipalesa tsena ha ba se ba li hlahisitse ba li tšela ka har'a lipitsana tsa tsona,

tseo ba nang le tsona ho ithehela likoporasi, mekhatlo ea boipheliso le ho arolelana litsebo tseo ba nang le tsona. Ka hona SYC e etsa khoeletso ho bacha bohle ba nang le litsebo feela ba ntseng ba nyolosa ba theosa ba re ba batla mosebetsi, ho hlahisa litsebo tsa bona le ho iphelisa ka tsona molamong oa bona le naha ea habo bona. Ba khothaletsa ka matla a maholo hore bacha ba ikopanye ho ithehela likhoebo tse fapakaneng.

Listen To Us Here



92.6 fm bokamoso
 Mafeteng Mohale's Hoek Qach's Nek Quthing

94 fm bokamoso
 Maseru Berea Leribe

98.2 fm bokamoso
 Mokhotlong Thaba Tseka Butha Buthe

www.bokamoso974.co.za

Likhoebho li kenya 66% moruong



Nthabeleng Seitlheko

Likhoebho tsa kamohelo ea baeti, boithabiso, litšebeliso tsa lichelete, 'insurance' le litšebeliso tsa bophelo bo botle li hlalosa li ipabotse ka ho kenya 66% moruong oa naha selemong sa lichelete sa 2022 ho isa ho 2024. Litaba tsena li hlaleletse moketeng o neng o tšeroe ke Setsi sa Pokello ea Lekhetho (RSL) oa ho tlotla litsi tse ipabotseng ka ho lefa lekhetho ka botšephehi, ka la 8 Pulungoana monongoaha.

Karolo ea bobeli e leng e akaretsang mesebetsi ea ho etsa thepa, khaho, phepele ea motlakase le metsi e kentse 23%. Ha temo, meru, ho tšoasa lithapi le merafo, tsona li kentse letsoho ka 11%.

Tlaleho ea Banka ea Lefatše ea 2024 tlasa sehlooho sa Tšebeliso ea Chelete ka Marang-rang (Cashless Economy Report) e hlalosa hore e bang Lesotho le ka sebelisa moruo o sa itšetlehang ka chelete pampiri kapa ea chelete ea tšepe le ka fumana melemo e kang ho fokotsa litšenyehelo tsa chelete, ho ntlafatsa likhoebho le ho eketsa menyetla ea potoloho ea chelete kahar'a sechaba.

Mookameli oa RSL Mofumahali Mathabo Mokoko, o hlalositse hore setsi sa habo se atlehisoa ke bahoebi ba tšepahallang ho lefa lekhetho, ka hona melemo e mengata e tlosoang ke sena kaha ho kenya letsoho kholong ea moruo, ntlafatso ea litšebeliso tsa sechaba le tsa bophelo bo botle.

A re ba bone boikitlaetso

bo entsoeng ke bahoebi bana ho sa natsoe liqholotso tseo ba ileng ba kopana le tsona, empa ba kenya letsoho ho aha nalane ea naha litabeng tsa pokello ea lekhetho, ka hoo ka tšehetso ea balefi ba lekhetho bokamoso ba naha ke bochabileng. O re ba kene tšebetsong e matla ea ho bona hore bahoebi ba fumana mekhoha e bobebe ea ho lefa lekhetho ba le hohle le ho kena mekhoeng e ntlafatseng ea phetsetsano ea chelete ka marang-rang, ka lebaka leo ba se ba sebelisa marang-rang ho lefa lekhetho le ho boloka litokomane tse hlokaalang ha mohoebi a lefa lekhetho.

Letona la tsa Machabeng Mohlomphehi Lejone Mpotjoane, o bontšitse hore naha a lokela ho etsa melao e bobebe e tla nolofaetsa bahoebi ho lefa lekhetho ntle ho likhoqetsane tsa letho, e le hore ba be motlotlo ka ho lefa lekhetho hape lekhetho le joalo le bonahale sechabeng ka ho etsoa ha lintlafatso le phano ea litšebeliso tse nang le ponoletso.

O re 'muso o lokela ho nka boikarabello le ho sireletsa likhafa tsa sechaba, ka hoo ha joale ho bohlokoa hore naha e fetele mekhoeng e ntlafatseng ea tšebeliso ea chelete e leng ea marang-rang ho thusa ho matlafatsa litšebeliso, tlhahiso ea mesebetsi, ho loantša bobolu le bomenemene ba lichelete tse sa tsebisa-haleng kaha e le tse ling tsa lintho tse nyotobetsang moruo.

Lipalo-palo tsa Banka ea Lefatše tsa 2024 tsa tlaleho ea Tšebeliso ea Chelete ka Marang-rang, li hakanyetsa hore e bang Lesotho le ka etsa phetoho ena ka selemo

sa 2024 le sa 2025, karolo ea batho ba sebelisang marang-rang e ka nyoloha ka 65% ka selemo sa 2030, empa e bang ho sa etsahala joalo tšebeliso ea marang-rang e ka theoha ka 40% e leng ho tla fokotsa kholo ea moruo ka 2% papisong le 4% ea ho phahama.

Ho sa le joalo Moralo oa Naha (NSDP2), o tšehetsa litaba tsena ka hore e bang

meaho e meholo ea naha joaloka likolo, lipetlele, litsele le litšebeliso tsa sechaba tse kang tlhokomelo ea bophelo le thuto. A re leha Lesotho le tobane le mathata a mangata joalo ka litlamorao tsa seoa sa COVID-19, lintoa tsa lefatše le liphetho tsa maemo a leholimo, Basotho ba ile ba bontša mamello le sebete ka ho lefa lekhetho ho sa tsotellehe maemo ana.

A re moo batho ba lefang lekhetho ka boithatelo, ho nolofatsa mesebetsi oa RSL, hape ka ho sebelisa lekhetho 'muso o tseba ho fokotsa lekhalo lipakeng tsa barui le mafutsana, 'me sena se lumella ho tšehetsa mananeo a sechaba a tšehetsang ba hloakang ka ho fetisisa.

O re ka lebaka la tšehetso ea balefi ba lekhetho le balekane ba RSL, naha e ka tsoelapele ka merero e meholo joaloka tlhahiso ea lijo, ho theha mesebetsi le ho tšehetsa bacha ba Basotho. O phethetse ka ho kopa bohle ba ntseng ba tšehetsa merero ena, ho theha Lesotho le nonneng.

E mong oa bahoebi ba hapileng khau Kaizer Ntemere, o hlalositse hore o ne a leka ka hohle ho qoba eng kapa eng e ka sitisang

likhau ho balekane ba bohlokoa ba tšepahallang le ho tšehetsa RSL ho fihlella sepheo sa eona sa ho loantša bomenemene le ho ntlafatsa tšebetso ea ho bokella lekhetho e leng Setsi sa Toantšo ea Bobolu le Bomenemene (DCEO), le Sepolesa sa Lesotho (LMP) se ile sa ananeloa bakeng sa mesebetsi oa sona oa ho thibela botlokotsebe ba lekhetho le ho sireletsa meeli.

Mokhatlo oa Land Administration Authority (LAA) o ile ea ananeloa bakeng sa ho thusa ho ntlafatsa tšebetso ea ho latela melao ea lekhetho. Morero oa Metsi a Lihlaba tsa Lesotho (LHDA) o ile oa ananeloa bakeng sa ho thusa ho atolosa karolo ea ba lefang lekhetho. Mokhatlo oa Eswatini Revenue Service o ile oa phaphathoa mahetla ka tšebeliso e matla le tšehetso e tsoellang pele tabeng ea tsamaiso ea lekhetho.

Ho feta mona RSL e ile ea fana ka likhau ho balefi ba lekhetho ba tsotellang sechaba ka ho lefa ka nako ho latela melao le ho fana ka tšehetso e kholo nakong ea lilemo tse tharo tse fetileng. Tsona e bile khoebho ea Simplified Business Taxation (SBT) Moputso o ile oa fuoa



naha e sebelisa mokhoa ona e tla atleha ho ntlafatsa moruo le ho ntlafatsa likhoebho tse nyenyane, 'me e supa hore ka selemo sa 2030 ha Lesotho le ka tsoelapele ka tšebeliso ea chelete ka marang-rang le tla ba le moruo o tsitsitseng o bileng o tsoarella ho theha mesebetsi.

Letona la Lichelete le Ntšetsopele ea Meralo Dr. Retšelisitsoe Matlanyane, o totobalitse hore lekhetho leo ba le bokellang le etsa

khoebho ea hae ho se sebe-tse ka nepo, kaha lekhetho ke tokelo e phethoang ke mohoebi e mong le e mong ka hona bohle ba lokela ho ikobela melao e tsamaisang litaba tsa khoebho. A re o motlotlo ke khau ena, o khothaletsa hore naha ea Lesotho e kene ka matla litabeng tsa ho sebelisa marang-rang ho lefella litšebeliso kaha lefatše le se le a sebelisa litšebeliso tsohle.

RSL e bile ea fana ka

Monghali Kaizer Ntemere bakeng sa ho lefa lekhetho ka nako ka botšephehi. Khoebho ea Minopex (PTY) LTD le Main North (PTY) LTD li ile tsa fumana likhau.

Khoebho ea Maluti Mountain Brewery (PTY) LTD, Polihali Village JV le Founda Construction Engineering (PTY) LTD li ile tsa ananeloa ho kenyeletsa le khoebho tse kang Standard Lesotho Bank Ltd, Tank Investments (PTY) LTD le SASAI Econet Financial Services Pty Ltd.

Khaello ea likolo e ama ba nang le bokooa

Nthabeleng Seitlheko

Libuseng None ea ahileng Ha Moitšupeli Maseru, o re o nyahlalitse mosebetsi lifemeng ka lebaka la tlhokahalo ea sekolo sa likonyana, moo a ka isang ngoan'a hae ea nang le bokooa ba pono. Litaba tse-na, li hlaheletse puisanong le Koranta ka la 12 Pulungoana monongoaha.

O re ngoan'a hae ea lilemo li peli, ha ho moo a amoheloang likonyaneng hore a tsebe ho hola a utloisisa puo, a phela le bana ba bang sekolong kaha ha fihla likolong tse haufi tsa likonyana a ile a bolelloa ke ba ikarabellang hore bana ba mofuta oo ha ba amoheloe. O re kaha a e-na le bana ba babeli ba boemong ba thuto e phahameng ba litlhoko li ngata o lekile mekhoha eohle hore ngoana a fumane sekolo empa o hlolehile.

"Ke tlameha ho lofisa ngoana e mong sekolo ho sala le enoa ea nang le bokooa ke il'lo hlatsoetsa batho, kaha ke le motsoali ea hollisang bana ke le mong." Ke eena eo.

O re leha ho le joalo, o lutse hae o holisa ngoan'a hae, kaha a ile a mo kopela sekolong sa bana ba nang le bokooa St. Bernadette, moo a ileng a bolelloa hore o tla amoheloa h'a le lilemo li hlano. O re ntho ena e'a mo hlorisa kaha a e na le takatso ea hore ngoana a kene sekolo joaloka ba bang hore a tsebe ho hola a ikamohetse le ho amoheloa ke ba bang.

'Maneo Maphorisa oa Mojakane Pre-School Ha Moitšupeli, o hlalositse hore sekolo se amohela bana empa ba nang le bokooa ba sitoa ho ba amohela hobane ba hloka tsotello e kholo, le boemo ba sekolo ka bo-sona ha se boemong ba ho sebetsa ka bana ba joalo.

"Hona ha se khethollo empa ke maemo ao sekolo se leng ho ona, a re tlamang

ho se amohela bana ba joalo." Ke Maphorisa eo.

A re ba ile ba khothaletsa None ho batlela ngoana sekolo sekolong sa bana ba nang le bokooa hore a tsebe ho fumana thuto ka tsela e nepahetseng. O re leha thuto e lokela bana bohle empa ba lokela ho sheba polokeho le bophelo bo botle ba bana kahar'a tikoloho.

UNESCO e supa ha Naha ea Lesotho e tobane le mathata a mangata a ho fa bana ba nang le bokooa monyetla o lekaneng oa thuto, 'me bothata bo bohlo ke tlhokahalo ea lisebelisoa likolong, manane-thuto a khethehileng le tlhokahalo ea litichere tse nepahetseng ho kenya letsoho ka tsela e akaretsang le ho ba thusa ho ithuta.

Naha ea Lesotho e bonahala e ntse e sitoa ho fihlella Lipehelo tsa tšetsopele ea Moshoelella haholo SDG4 e reng ho netefatsa thuto e nepahetseng le e kenyeletsang bana bohle, haholo bakeng sa bana ba nang le bokooa. SDG 10 eona e bua ka ho se lekane ka kakaretso ho kenyeletsang bana ba nang le bokooa kaha thutong ba lokeloa ke tlhokomelo e matla bakeng sa ho finyella maemo a

lekanang lefatšeng ka bophara ho fihlela ka selemo sa 2030.

Tlalehong ea Lefatše ka bophara mabapi le kholo le tsoelopele ea bana ba nang le bokooa (Global Report on Children with Develop-

le bokooa lefatšeng ba sitoa ho fumana thuto ea boleng le likolo tse amohelhang.

Leano la Lekala la Thuto le Koetliso le buang ka bohlokoa ba thuto ea likonyana, e leng karolo e ka sehloohong ea thuto ea bana

likolo tse ngata li sa fane ka tšebetso e nepahetseng le lisebelisoa tse hlokalang ho bana ba nang le bokooa. A re kahar'a Naha ea Lesotho ke likolo tse ka tlaase ho 20 tse nang le bokhoni ba ho amohela bana ba nang



mental Disabilities) WHO e hlalosa hore bana ba lilemo li tlase ho tse tšeletseng ba nang le bokooa ba tobane le mathata a tebileng a thuto haholo libakeng tse futsanehileng, khakanyo e supa hore 90% ea bana ba nang

ba lilemong tse 0 ho isa ho tse tšeletseng, ka ho khethetha thuto ea likonyana e kenyeletsa ho ntlafatsa tsebo le bokhoni ba bana ho sebelisa puo, lipapali le ho ntefatsa hore bana ba nang le bokooa ba fumantšoa thuto ka mokhoa o ba tšehetsang.

Molao oa thuto Lesotho o tlama hore bana bohle ba kenyeletsoe thutong ho kenyeletsa le bana ba nang le litlhoko tse khethehileng, ho latela maano a macha ho sa tsotellehe maemo a bona.

Mookameli oa Mokhatlo oa 'Mamekhatlo ea Batho ba nang le Bokooa (LN-FOD) Adv. Nkhasi Sefuthi, o hlalositse hore maemo a thuto ea bana ba nang le bokooa haholo ba likonyana, a ntse hloabaetsa kaha ba sitoa ho fumana thuto e ba loketseng, hobane e hloka meaho e ikamahanyang le litlhoko tsa bana bao, lithupelo ho litichere tsa bana ho latela litlhoko tsa bona ka ho fapakana.

O itse ke bana ba fokolang ba kenang sekolo kaha

le bokooa ka nepo.

Ho ea ka tlaleho ea monongoaha ea Mokhatlo oa Lithuso Baneng (UNICEF) eo sehlooho sa eona e leng Ho Phahamisa Thuto e kenyeletsang Bana Bohle, e re bana ba nang le bokooa lefatšeng ka bophara ba ntse ba le maemong a tlase mabapi le ho fumana thuto e tšoanang le ea bana ba bang ka 47% haholo Thuto ea Mathomo, ebe 33% e sitoa ho kena Sekolo se Phahameng, ha bana ba likonyana ba sitoang ho bua le ho itlhokomela ba le kotsing e kholo ea ho se kenyeletsoe lithutong. E totobalitse tlalehong ea eona hore ebang linaha li sa fane ka thuto ho bana bana, bana ba 420 milione ba tla haelloa ke litsebo tsa mantlha.

Lesotho ke bonyane sekolo sa School for the Deaf and Blind se fumanehang Maseru, Thuso Centre le Phelisanong Children Centre e fumanehang Pitseng Leribe, tseo e leng mehla ea likolo tse amohelang bana ba nang le bokooa ba likonyana.



LNC ha e khethe nku ka pere

Nthabeleng Seitlheko

Lekhotla la tsamaiso la Baoki (LNC) le lomme bebebe le hlabisa baoki ba neng ba kene sekolo ka mongolo a mokunyata thotho ka monkhoane. Lita-ba tsena li hlahetse 'mokeng oa bo-ralitaba ka la 13 Pulungoana monongoaha. Mongoli oa Lekhotla la Baoki, Flavia Moetsana, o hlahositse hore mooki ea neng a sebetsa Maluti Adventist College Pontšo Matsepe, Relebohile Poqa le Mponeng Raphael ba Paray School of Nursing, ba hlakotsoe lethathamong la baoki kahar'a naha kamora ho fumanoa ba le molato oa ho kena sekolo ka mangolo a Foromo ea Bohlano a bokunyata. O re ba etsa sena ba ipapisitse le molao oa tšebeliso ea mangolo a bokunyata le likahlolo tsa makhotla tse ileng tsa fanoa ho batho ba ileng ba etsa ketso e tšoanang, ho sa natsoe litsebo tsa bona le hore na ba se ba le boemong bofe.

Ha Pholo Churchill Lepheana ea neng a sebetsa Setsing sa Bophelo sa Dilli-Dilli a ile a hlakoloe lethathamong la bathusi ba baoki nakong ea lilemo tse hlano, kamor'a ho fumanoa a entse thobalano le eo e neng e le kharebe ea hae ea neng a le ngakeng Setsing sa Bophelo, 'me ba fumane ho se peto kaha bao ba ne ba e na le likamano tsa lerato. Tlali Kolobe ea neng a sebetsa Setsing sa Mabote Filter Clinic, o hlakotsoe lethathamong la baoki kamor'a ho fumanoa a le molato oa ho hlekefetsa mokhachane ka motabo.

O re ho boetse ho na le baoki ba filoeng likotlo kamor' a ho fumanoa ba le molato oa ho thunthetsa seriti sa baoki, ka lipuo tse sa hloekang, 'me bona ke Raphael Tlali ea neng a sebetsa Maluti Adventist le Mapoe Lebina ea sebetsang Sepetleleng sa Berea, ba filoe kotlo ea ho se fumanoa ba ka ba molato o tšoanang nakong ea lilemo tse peli.

Ho feta mona o re ho bile le baoki ba filoeng likotlo kamor'a ho fumanoa ba sa fana ka mekhoha e nepahetseng ea pepiso, ho hlahla Little Flower Health care, Neo Rameno le 'Mamalibeng Ralenkoane ebile ba hlakotsoe lethathamong la baoki nakong ea selemo le halofo le ho laeloa ho se etse tlolo e tšoanang ea molao, ha Tanki Masakale le Tebatso Ntšone ho hlahla



Sepetleleng sa Sephotso sa Mofumahali 'Mamohato ba beheletsoe ka thoko nako ea lilemo tse peli.

LNC e supa hore ka selemo sa 2017 ka sehlopha sa bona sa bohlahlobi Litsing tsa bophelo e ile ba hlahloba setsi sa David Mpiti Matšela eo e leng Mothusi oa Mooki ka boemo ba thuto ea nang le Litsi tsa Bophelo tsa Tšepong Health Care e fumanehang Ha Leqele e sebetsa ka thoko ho molao le Khorong Health Clinic, tseo ba ileng ba khotalletsoa hore li koaloe ho ea

ka molao o ba tsamaisang oa hore mooki o bula setsi ha le boemong bofe le hore na o lokela a be a fihletse eng ea litsebo. 'Me kahlolo e fanoe ka khoeli ea Hlakola monongoaha, ebile eo o hlahosoa ho latela boemo ba hae ba thuto a lokela ho sebetsa tlasa leihlo le nchocho la mooki ea koetlisitsoeng kaha e le mothusi.

Mookameli oa Boto ea LNC Rejakile Fosa, o itse mosebetsi o moholo oa bona ke ho loanela seriti sa booki, ka hoo bohle ba latele methati le liphelelo tsa

mosebetsi oa bona oa nako eohle. A re ho latela tsela ea bona ea tšebetso lengolo la mooki le na le matla nako ea selemo fela, kaha kamor'a nako eo tebelo e le hore bao ba imatlafatse ka litsebo hore ba fihlele liphelelo tsa bona.

O re mokuli o lokela ho ema bonyane hora kapa metsotso e 30 pele a sebeletsoa setsing, ha mooki ea mo sebeletsang a lokele ho ba le tokomane e bontšang mabitso a hae ka botlalo. A re mooki le mokuli ba na le litokelo tse lokelang

ho hlompheha.

O re ke boikarabello ba bohle ho hlokomela bakuli ba bona le ho bona hore ba fumane litšebeliso tse nepahetseng. A bontša bohlokoa ba hore baithuti bohle ba etsang booki ba tsebe melao e ba tsamaisang le hore batsoali ba kenye letsoho kholisong ea bana ba bona molemong oa ponaleto le booki bo nang le seriti kaha litaba tsohle li qala malapeng.

O ipilelitse ho batho bohle ho tšehetsa baoki kaha le bona e le batho, ba nang le mathata joaloka ba bang. A re ke hona ba tla tsoa letšolo ho fana ka thuto ho sechaba ka tsela ea bona ea tšebetso kaha ba nahana hore litlaleho tsena tse fumanoeng ha li'a lekana ho latela seboko sa Basotho ka bosebeletsi ba baoki, ba fumana litaba marang-rang, ka baphatlalatsi le ka mangolo a tlišoang ke batho ka bo-mong.

A re litharollo li teng tse fihleloang ke batho ka thoko le ho isana lekhlotleng hobane ba ntse ba e-na le litletlebo tse ling tse ileng tsa huloa. O re ba fumane hore tse ling li huloa ho late-la lipuisano tsa batho ka bo-bona, ha tse ling li akha litšoso.

Litlaleho li beha LHDA ka mosing

Nthabeleng Seitlheko

Molula-Setulo oa Komiti e alosit-seng Lihlolileng le Boiketlo ba Sechaba, Moeketsi Motšoaane, o re liphuputso tsa komiti li hlahisa hore Morero oa Metsi a Lihlaba tsa Lesotho (LHDA) ha oa phethahatsa litšepiso tsa ona ho sechaba sa metse e mene. O boletse tsena ha kopa paramente ho ananela tlaleho ea komiti mabapi le litletlebo tsa sechaba, tulong ea la 13 Pulungoana monongoaha.

O re komiti ea habo e ile ea etsa liphuputso le ho amohela litletlebo tsa sechaba tsa metse ea Ha Mokhatli, Ha Makhalanyane, Ha Thafeng le Khorong Ha Nchela, 'me ba fumane hore ha oa fana ka chelete e neng e reretsoe ho ntšetsa pele merero ea baahi ea boipheliso le lintlafatso.

O re taba tsena ha li'a phethahala leha morero o ne o reretsoe ho ntlafatsa sechaba sa linaha tsena ka bobeli. A re seo morero o neng o lokela ho se etsa ke

hore ebe ba entse morero oa boipheliso ea letsatsi le letsatai ea sechaba sa libaka tse joalo.

A re ho bohlokoa hore Basotho ba phelang libakeng tsena ba ntlafatsoe e le hore bophelo ba bona bo tšoaane le nako e fetileng pele morero o ba teng.

Mokhethoa oa 'Maliepet-sane Lehlohonolo Hlapisi, o hlahositse hore tlaleho ena e supa hore ho se phethahatsoe ha litšepiso ho sechaba ke LHDA ho amoha sechaba litokelo tsa bona tsa bophelo bo ntlafatseng, ebile morero ha o sebetse hantle le sechaba.

O re litaba tsena li pakhatsoa ke litletlebo tsa sechaba tse teng, ka hona LHDA e hlokomele hore bophelo ba sechaba bo lokela ho ntlafatsa ha e amme thepa ea sona.

Tlaleho ena ke ea liphuputso tse entsoeng ke Komiti ea Likhothaleto ka malebela a likopo tse rometsoeng ke metseng ea Ha Makhalanyane, Ha Mokhatli, Ha Thafeng le Khorong Ha Nchela khahlanong le LHDA. Komiti e ile ea hlahloba linyeoe tse entsoeng mabapi le likopo

tsa puseletso le lintho tse ntseng li hloka hala metseng e amehang

Liphuputso tsa komiti tsa Khorong Ha Nchela, LHDA e lumelletse hore sechaba se khethe morero oa ntlafatso 'me ba khetha phepele ea metsi. Chelete e setseng polokelong ea sechaba ke M608,491.50. Ha Makhalanyane, sechaba se kopile motlakase le moo ho sebetsang morero oa pele ke phepele ea metsi. Sechaba se na le M8,911,704.59 empa ho na le likhohlano tse amanang le lisebelisoa tsa motlakase. Ha Thafeng, sechaba sa kopa tsela le ofisi ea morena empa ha ba es'o fumane thuso.

Ha Mokhatli, ho na le

litaba tsa lipelaelo mabapi le tšebeliso ea chelete moo sechaba se sa khotsofaleng ka tšebetso ea ba bang ba basebetsi ba LHDA.

Likhothaleto tsa komiti mabapi le liketsahalo tsena ke hore LHDA e tlameha ho phetha litlhoko tsa metse eohle ka ho fana ka thuso e hloka halang. Ha Nchela, ho aha holo pele ho la 31 Mphalane monongoaha. Ha Thafeng, ho fana ka tsela le ofisi ea morena pele ho la 31 Mphalane monongoaha. Ha Makhalanyane, ho fana ka motlakase le ofisi ea morena ka nako e tšoanang. Ha Mokhatli LHDA e na le boikarabello ba ho laola tšebeliso ea chelete ea sechaba le ho etsa lipatlisiso ka tšebeliso e sa lokang ea chelete.



Bokhukhuni bo thibeloe ka nako-Tau



Nthabeleng Seitlheko

Lefapha la Mautloela 'moho le mafapha a nang le seabo litabeng tsa tšireletso ea naha, a tšetšethile leano le reretsoeng ho thusa ho thibela bokhukhuni, lintoa le merusu le ho tla ka maoa a ka sebelisoang ho li thibela nakong eo li ntseng li reroa. Tsena li hlaheletse 'mokeng oa matsatsi a mararo o qalileng ka la 12 Pulungoana monongoaha.

Mookameli Lefapheng la Mautloela Itumeleng Letsepe, o re taba e ka sehloohong lefapheng la habo ke ho boloka khotso le botisitso ba naha ke ka hoo ba khokhohanyang puo le mafapha a nang le seabo ho bona hore kholumo-lumo ea bokhukhuni e jeleng setsi linaheng tsa Afrika e tsoa ka metso.

A re bothata bo bong bo ntseng bo jele setsi ka matla ke ba ho hlatsoa chelete le maqujoana a 'mino oa famo ka hoo sena se qosa hore melao e thatafatsoe, hobane ba lokela ho sireletsa mahlatsipa 'moho le litokelo tsa ona.

Motlatsi oa Mookameli oa Mautloela Lebohang Mafi-

sa, o bontšitse hore mohato oa pele ke ho batla sesosa sa liketsahalo tsena, hore ba tle ba nolofalloe ke ho li loantša pele li ka baka meferefere le ho sebelisa mekhoha ea thibelo.

Letona Ofising ea Tona-khoho Mohlomphehi Limpho Tau, o re 'Muso oa Lesotho o tšoare ka thata ho matlafatsa kopano lipakeng tsa Litsi tsa Tšireletso ka sepheo sa ho hlola lintoa tsa bokhukhuni, ho pharalla le naha. A re sechaba le sona se lokela ho kenya letsoho ho hlola mathata ana kaha naha e holang ntle le mathata le litsikitlano e ntlafala moruong.

A re Litsi tsa Tšireletso li lokela ho tsoa matšolo a kopanelo kaha ka ona ho ne ho se tlole ea molao e ka ba phonyohang. O re ka hare ho litlaleho tse 10 tsa lipolao tse robeli ke tse hlahang ho bokhukhuni le maqujoana a 'mino oa famo.

H'a joale o itse ba tšoare ka thata ho bona hore mautloela a loantša le ho thibela bokhukhuni pele sechaba se ka tsohelana matla hore bohle ba phele ka khotso.

Leano lena le ne le amoheloe ke Lekhotla la Matona ka khoeli ea Motšeanong 2022.

SADC e tšohla poloheho ea metsi

Nthabeleng Seitlheko

Metsi a ka tlasa mpa ea lefatše a lokela ho sireletseha khahlanong le liphepetso tse tsoaloang ke phetoho ea boemo ba leholimo le tsilafalo ea metsi. Litaba tse na li boletsoe ke 'Mapolao Mokoena lebitsong la Moifo oa SADC, 'mokeng oa bo 6 oa linaha tsa SADC, o reretsoeng ho tšohla le ho thakelana ka malebela ka poloheho ea metsi a ka tlasa mpa ea lefatše, ka la 13 Pulungoana monongoaha.

O re ba bona tsoelo-pele e khoho kopanong le mekhatlo e fapakaneng, 'me SADC Groundwater Institute (SADC-GMI) e tekenne tumellano ea tšebeliso le Komisi ea Orasecom, e etsang hore mesebetsi ea eona e be molaong Afrika Boroa moo ofisi ea eona e leng teng. A re ka thu-

fatsa tšireletseho ea metsi le bophelo bo botle ba sechaba.

Mohoo oa selemo sena ke "ho khothaletsa khotso lipakeng tsa meeli ka tsamaiso e kopanetsoeng ea metsi." Sona se totobatsa boitlamo ba metsi a ka tlasa lefatše ba ho sebetsa ka kopanelo ho laola metsi a lefatšeng le a ka tlas'a lefatše le ho khothaletsa khotso tikolohong ea SADC.

Metsi a ka tlasa lefatše a phetha karolo ea bohlokoa ho boloka bophelo le tikoloho, hobane ke mohloli oa metsi a nooang ke batho ba bangata lefatšeng ka bophara, hape o tšehetsa temo.

Leha ho le joalo, metsi a ka tlasa lefatše a tobane le mathata a mangata a kenyeletsang ho qhaloa ha ona ka mokhoa o feteletseng, ho se tsejoe hantle ka ona, le tsilafalo e sa hlokahaleng. Ka lebaka la ho se tsebe hantle

e nang le baahi ba fetang 1,610 ba tla una molemo.

O re ba rata ho tla ka maoa a hore na metsi a ka tlasa mpa ea Lefatše a balloa joang hobane a ka holimo a se a silafalitsoe ke lintho tse ngata, haholo a kollang mekhoabong le likhakeletsing. O re metsi ao a ntsa a bolokehile empa ba se ba tšohile hore a se tlohe a ameha 'me a qetelle a hloka ho hloekisoa.

O itse ba lokela ho sebetsa ka thata ho baballa metsi a hloekileng ka ho fana ka thuto sechabeng ntlheng ea ho baballa mehloli ea metsi e hloekile le ho bolokeha ka linako tsohle molemong oa tsoelopele le metsi a bolokehileng.

O re o tšepa hore litharollo le litharollo tse tla tsoa sebokeng sena li tla hlalisa mekhoha e mecha ea ho sireletsa metsi a ka tlasa lefatše. A re o ikemiselitse ho etsa metsi ana a bona-hale, ebe karolo ea maano a tsamaiso ea metsi le ho netefatsa hore mohloli ona o sireletsehile molemong oa meloko e tlang.



so ea Banka ea Lefatše le Mokhatlo oa GEF/CIWA, SADC e ntsa e kenya tšebetsong morero oa tsamaiso ea metsi a ka tlasa lefatše tikolohong ea SADC, moo ho etsoang merero e ka bang 25 e mecha linaheng tsa litho, ho kenyeletsa le Lesotho.

Ho tloha ka selemo sa 2018, SADC-GMI e bile mohokahanyi oa likopano tsa selemo le selemo tsa SADC tsa metsi a ka tlasa lefatše, tse hohelang litsebi le bafuputsi ho tsoa tikolohong ea SADC le lefatšeng ka bophara. Sena se tsamaellana hantle le boikarabello ba SADC-GMI ba ho sebetsana le mathata a metsi a ka tlasa lefatše, ka tšebeliso le balekane ba fapakaneng, ho kenyeletsa mebuso, bafuputsi le mekhatlo e mengata.

A re ka lebaka la ho ameha ha lona, kopano ena e na le sepheo sa ho phahamisa lipuisano le ho fana ka litharollo tse nang le tšusumetso, e tla thusa ho ntl-

ka metsi ana, SADC-GMI e bontšitse hore ha ho na tsebo mabapi le mehloli le bokhoni ba metsi ana tikolohong ea SADC.

Ka mokhoa o mong, mathata ana a hlalisa menyetla ea ho batlisisa litharollo. Lekhotla la Makhotla a Metsi a Afrika le ile la qala Lenaneo la Pan-African Groundwater ka selemo sa 2019, le ikemiselitse ho ntlafatsa tšebeliso ea metsi a ka tlasa lefatše ka mokhoa o tšoarellang le o lekanang. E le SADC, ba ntlafalitse tsamaiso ea metsi ka ho theha SADC-GMI, setsi se ikhethang sa taolo ea metsi a ka tlasa lefatše.

Letona la Lihlolloeng le Lirafshoang Mohlomphehi Mohlomi Moleko, o hlalositse hore Lesotho le se le qalile ho hlokomela letlooa la naha la ho lekola metsi a ka tlasa lefatše le ho cheka liliba tse 'maloa tse sebetsang ho fana ka metsi metseng e se nang metsi, joalo ka Ha Koali le Ha Mpusi Berea, le Ha Mosotho Mafeteng,

H'a phethela o itse o na le tšepo ea hore hammoho, ba tla khona ho theha tsela e tšoarellang le e sireletsehileng bakeng sa metsi.

Mookameli Lesotho Highlands Water Project Motoho Maseatile, o hlalositse hore poloheho ea metsi ke boikarabello ba linaha tsohle, ka hoo kopano ea linaha tsa SADC ke ho tla ka maoa a ho sireletsa metsi a ka tlasa mpa ea lefatše le ho etsa liphuputso tse tla ba thusa ho tseba hore ba sireletsa metsi joang molemong oa meloko e tlang.

A re boemo ba phetoho ea leholimo bo entse hore ba kene leetong la ho sireletsa mehloli ea metsi joalo-ka mekhoabo le likhakeletsi ka thuso ea ReNoKa, ho fana ka thuto sechabeng haholo balisana.

'Moka ona o tla fihla pheletsong ka la 15 Pulungoana monongoaha, o tsoelapele e le oa botšella kamor'a ho emisa ho tšoaroa ka lebaka la seoa sa COVID-19.

Mazenod PRINTING WORKS (Pty) Ltd
57396597
28 350 815
28 350 466
lesaoanat@gmail.com

Scan me


U se u ka fumana Lifela Tsa Bakriste ho marangrang a boletsoeng ka tlase.

"Get the Akello app on Play Store, App Store, or Huawei App Gallery for Mazenod books and more. Download now!"
akello
<https://library.akello.co/downloads>



MOB KIDDS EDUTAINMENT

Puzzle MOB 92-4562



Across


- 6 Letsie I (6)
- 9 E mong oa marena a nyetseng basali ba bahlano ba baholo (Principal wives) (6,1)
- 11 Moroho o omisitsoeng (8)
- 12 Lihaba le lebolotsane (4)
- 13 Mokhetoha oa mehleng lebatooeng la nokong #20 le seng le bitsoa 'Makhoroana # 20 (8,5)
- 14 Ketsahalo ea la 7 Mphalane monongoaha (8)
- 16 Morena ea busitseng ho tloha ka selemo sa 1939 ho isa 1940. (6)
- 18 Selemong sena (10)
- 21 Selema se tlang (4)
- 22 Manyabolo (5)
- 24 Batlotlehi ba sa apesoang matla a phethahatso leha e le lebofe la sechaba (14,8)
- 25 Morena eo ho rehelletsoeng ka eena se seng sa likolo tse kholo Lesotho. (9)

Down

- 1 Selemong se fetileng (8)
- 2 Morena eo sepolesa se thehiloeng pusong ea hae. (9)
- 3 Moetapele oa mehleng oa BCP (2,4,8)
- 4 Moo Moshoeshoe I a ileng a feta le sechaba sa hae pel'a Mapoteng. (8)
- 5 Mebala ea Koranta ea Sesotho e hatisoang Mazenod (6)
- 6 Sebaka sa pele moo Moeshoeshoe I a neng a lula le sechaba sa hae (11)
- 7 Moo motho a qalang ho ngolisa hore e be setho sa DC (10)
- 8 Koranta e thehiloeng ka selemo sa 1933 (8,2,7)
- 10 Ea a ileng a jeoa ke malimo sebakeng sa Mahlatsa (5)

- 15 Morena oa pele oa ho fua boemo ba tlotlo ea 'Botlotlehi' (10,2)
- 17 Letsatsi la la 4 Mphalane, Lesotho (7)
- 19 Lebatooa la nomoro ea mashome a robeli (7)
- 20 Lenyeketha (6)
- 23 Leqephe la borobong la Koranta ea Sesotho e hatisoang Mazenod. (6)

SOLUTION MOB 92-4460





TSA KEREKE

Peho ea libetsa

Staff

Letsatsi la sehopotso la peho ea libetsa fatše la Ntoa ea Pele le ea Bobeli ea Lefatše le ile la tekeneo ka hora ea bo-11 ka la 11 Pulungoana 1918, ke moo liqhoku le malapa a bengaka bafu ba seng ba hlokahe-tse ba tikoloho ea Mazenod ba bileng 'moho ho tla rape-la le ho hopola bao ba seng ba faletse lefatšeng. Tsena li bile Maria Mofumahali oa Lefatše, Mazenod ka la 10

bona ka lebaka la lerato la malapa, metse le lefatše la habo bona, 'me a re ba entse mosebetsi o tlotlehang o babatsehang, o ratehang 'me Morena Molimo a ba fe bophelo.

Brigadier General Tšepo Vitus Tau ha hlalosa tsa letsatsi leo o itse ba ile ba ikeletsa hore ba t'lo hopola bafu bohle ba ileng ba oela moleng oa ntoa ka nako eo. Ho sa le joalo, Kopano ea Kemolo ea Maria e ile ea amohela Rameea oa bona boemong ba Deanery ea

hore a tle a ba tataise le ho ba thusa hore ba se etse li-phoso.

Haele Mookameli oa Kopano ea Kemolo Tikolohong e Kholo ea Maseru, Mofumahali Bernadette Kolisa MI o itse ba tlele ho tla mo lebohela le ho mo fa lihlo-mo tsa moea tse tla mo thusa ho tsamaisa leboho lena. A re moprista ke ntat'a bona le ho feta batsoali ba ba tsoetseng ho latela buka e ba tsamaisang. A re a ba tsamaisa hantle joalokaha ntata. Kaponi e qeteletse ka ho tlotlisa kamohelo ena ka ho tsoaea bakokoti ba



Pulungoana monongoaha. Litaba tsena li qalile ka Sehlabelo se Halaleng sa Misa se eteletsoe pele ke Fr. Patrick Khali Khoele OMI a tlatsitsoe ke baprista ba babeli e leng Fr. Koenane Stephen Molefi OMI le Fr. Emanuel Lebese Mokhofu OMI.

Mazenod e leng Fr. Patrick Khali Khoele OMI. Mookameli oa Deanery Mofumahali 'Makatleho Ignitia Rantlo MI o ile a leboha haele mona ba fumane Rameea e mocha, 'me ba mo amohela ka liatla tse peli. A re e ne e se e le nako e telele ba se na Rameea oa kopana deaner-

supileng boemong ba deanery.

Kopano ea Anna ea Halaleng e ile ea fana ka tleleho ea eona ea boikhutso, boneng bo tsoaretsoe lehaeng la bona St. Theresa Seminary, moo ba ileng ba apesa litho tse 52 kaofela 'me Mofumahali oa Lefatše



Khothatsong ea hae, Fr. Molefi OMI o ile a fana ka papiso ea hore Mabotho a Tšireletso ke batho ba oelang mokhahlelo oa batho ba nang le bitsoaro bo botle ka ho fetisisa, moo har'a mosebetsi e meng ea bona e leng ho bona hore molao o'a sireletsoa esitana le bophelo ba batho bo tsoelapele. A qetella ka ho ba rapella hobane ba ile ba itella naha, le bophelo ba

ing ena ea Mazenod. A kopa e apesitse litho tse tharo.



2023-2024 SELEMO B

Sontaha sa 33 har'a selemo



Lentsoe la Molefi

Daniele 12,1-3
Pesalema 15
Ba-Heberu 10,11-14.18
Mareka 13,24-32



Khothatso

Tsohle li tla etsahala molokong ona

Lipalo tsa Sonataha sena li bua ka ntho tse bohloko, tse e-s'o etsahale esale lichaba li e-ba teng. Empa ke nako eo sechaba se tla lopolloa ka eona. Ho buoa ka nako ea ho utloa bohloko, letsatsi le tla fifala le khoeli e se fane ka khanya, linaledi li oele fatše 'me le matla a maholimo a tla sisinngoa. Leholimo le lefatše li tla feta.

Selemo sa 2000 se ile sa profetoa e t'lo ba seo lefatše le tlo lokafatsoa hobane Kriste o tla khutla Lekhetlo la Bobeli. Batho bohle ba ne ba thabetse sena ka ho tseba hore bobo bo tlo fella ruri, 'me botle bo rene ka ho safeleng. Le kajeno ho ntse ho e-na le bapofeta ba bangata ba boelang ho tla ha Jesu Kriste Lekhetlo la Bobeli, moo ho tla ba le leholimo le lefatše le lecha.

Lipono tsena tsa batho li shebahala li tsoa mantsoe a Kriste tlaase haholo a hlahang ho Matheus 24:34, Mareka 13:30 le Luka 21:32. Kriste o re, "Kannete kea le bolella, moloko ona o ke ke oa feta pele ntho tseo tsohle li etsahala. Leholimo le lefatše li tla feta empa mantsoe a ka a ke ke a fetoha. (Matheus 24:34; Mareka 13:30; Luka 21:32)

Taba ea bohlokoa ke ena, ana Kriste o ne a bua seo e seng 'nete? Kapa bapofeta baa ba bohata ba mehleng ee ba ichebetse feela ho fereka le ho arola balumeli? Maemong ana re ka khetha ho arola hobane Makatholike a mang a lumela bopofeteng bona ha ba bang ba bo qhelela thoko. Ana bopofeta ba Kriste bo phethahetse?

Ha re hlahlobeng lintlha tse 'maloa. Linaledi tsee tse oelang leholimong li bolela'ng? Ho boleloa'ng ka matla a maholimo a tla sisinngoa? Buka ea Tšenolo e bua ka ntoa e ileng ea qhoma leholimong moo Moarekanyeloi Mikaele 'moho le manyeloi a hae a ileng a loantša le ho hlola Satane. Ea ileng a lahlehloa tlaase lefatšeng 'moho le manyeloi a hae. (Tšenolo 12:7-9)

Pele ho moo hape hona Bukeng ea Tšenolo ho hlaha mantsoe ana, ...mohatla oa hae oa hohola sehlopha sa boraro sa linaledi 'me oa se lahlela lefatšeng. (Tšenolo 12:3-4) Evangeling ea Luka, nakong eo ba 70 ba khutlang, Kriste o ile a re, "Ke bone Satane a theoha leholimong joaloka lehalima." Morena Jesu ha bua ka linaledi o ne a etsa papiso ea manyeloi a lelekoang leholimong.

Ka lefu le Tsoho e Tlotlehang ea hae, Kriste o hlotse sebe 'moho le lefatše, a boela Teroneng ea Ntata'e ka letsohong le letona moo a ileng a tlosoa nakong eo sebe se kenang lefatšeng. Ka hona Satane a ke ke a hlola a le sola ka libe tsa lona ka lebaka la Mali a Kriste, ka tumelo ea lona ho Kriste, le tsoareloa libe ka Sakramente ea Tihatsuo le ea Pako.

Evangeling ea Matheus e bua ka liketsahalo tsa mohla Kriste a nehelang moea, "Ha lesira la tempele le khaoha ka lehare, lefatše le sisinyeha 'me maralla a aroha likoto. Mabitla a bulela 'me litopo tsa bahalaleli li tsoha." (Matheus 27:51-3)

Ke nako ea hore u khethe hore na u lumela mantsoe a Kriste kapa a bapofeta ba bohata. Haeba u khetha Kriste furalla tsohle tse mpe e le hore u tle u pholose moea ua hau.

Bahalaleli har'a Beke

- 18 Pulungoana Mawes
- 19 Pulungoana Eval
- 20 Pulungoana Brice
- 21 Pulungoana Digain
- 22 Pulungoana Cecillia
- 23 Pulungoana Trudo

Liki ea likolo e qalile



Tšeliso Thakholi

Litlholisano tsa Liki ea bolo ea maoto ea banana ba lilemo li 15 le 17, tsa Setereke sa Maseru, Berea le Mohale's Hoek li ile tsa tsoelapele ka katleho e kholo Lebaleng la Sekolo sa Mathomo sa Ha Ratjomose, Maseru ka la 9 Pulungoana 2024.

Puisanong le mohlophisi oa lipapali tseo, ebile e le President ea Motsheo FC, Mofu-

mahali 'Mapulane Phohleli o boletse hore litlholisano tsena li etselitsoe ho kenya moea oa lerato la lipapali kahare ho bana ba banana. "Re khothaletsa bana ba rona ba banana ho ikakhela ka setotsoana lipapaling, ba tlohe literateng le libakeng tse ka silafatsang bophelo ba bona." A rialo.

A re litlholisano li boetse li retsoe hore bana ba tsebe ho ba le boitšepo likarolong tse fapakaneng tsa bophelo. "E kholo ka ho fetisisa ke ho ba ruta le ho ba hlokomelisa ho

baballa tlholeho, tikolohong eo ba phelang ho eona ka ho lema lifate." O boletse joalo.

A re takatso ea bona ke ho bona lipapali tsa mofuta ona li anela litereke kaofela, empa qholotso e kholo ke tlhokahalo ea lichelete. A ipiletsa ho bahoebi, ho tšehetsa liki ena e le hore e tsebe ho hola e ane naha ka bophara. A phethela ka ho khothaletsa banana le basali hohle libakeng tseo ba phelang ho tsona ho kena ka sekahla lipapaling, mol- emong oa bophelo bo botle le

ho theola khatello ea maikutlo. Litlholisano tsena mokhahlelo oa pele o qalile ka la 13 Mphalane 2024, 'me li kenetsoe ke likolo tse supileng e leng Get Together, Sekolo se Phahameng sa Lithabeng, Montessori, Star Classic, Sekolo se Phahameng sa TY le sa Mohale's Hoek. Mokhahlelong oa bobeli o bapetseng ka la 9 Pulungoana 2024 ho U15 ke moo Get Together e ile ea shapa Montessori ka 2-1, Sekolo se Phahameng sa Lithabeng sa teteka Montes-

sori ka sepolo sa 3-1.

Haele Get Together le Sekolo se Phahameng sa Lithabeng li ile tsa bapala ka seahlolo sa 1-1. Athe ho U17 Sekolo se Phahameng sa Mohale's Hoek e ile ea masola sa TY ka phafa ea 3-1, Get Together ea hlola Star Classic ka 2-0, ha Sekolo se Phahameng sa TY se ile ea tsoa ka lesoba la nale ka ho shapa sa Lithabeng ka thupa e bohloko ea 1-0. Lipapali tsena li tli'o fihla pheletsong mafelong ana a beke.

Li khutla tšiba ho lla tse ka mahafing

Tšeliso Thakholi

Mokhethoa oa libapali tse robeli tsa lipalami tsa libaesekele o bileng har'a linaha tsa Tikoloho ea Afrika, moo Mokhatlo oa Lefatše oa Libaesekele(UCI) o neng o hlophisitse litlholisano tsa World Pump Track Championship tse bileng Durban, Afrika Boroa ka la 9 Pulungoana 2024, li khutlileng tšiba ho lla tse ka mahafing ka Sontaha sa la 10 Pulungoana 2024.

Libapali tsena tsa Lesotho li loanne ntoea ea fera lilale moo li neng li tseka ho ea fihla ho makhaola-khang a litlholisano, empa ka bomalimabe li ile tsa atleha ho fetela mokhahlelong oa bobeli o etelang oa mokhaola-khang pele, e leng hona moo ntoea e ileng ea ba hlola kaofela ha bona. Ho makhaola-khang teng mohloli e bile Sabina Kosarkova ka ho basali, ha ka ho banna mpoli e bile Ryang Gilchrist.

Raliphatlatso oa Mokhatlo oa Lesotho oa Libaesekele(LCA), Monghali Malefetsane Morie o bontšitse hore sehlopha se bapetse hantle leha se sa fetela



mokhahlelong o ka pele. A re monongoaha ho etsahetse ntho e ncha lipapaling tsena, ea hore ebe ho ba le mantšano pele ba fihla ho makhaola-khang. "Hangata pump track ho ee ho batloe ngoanana le moshanyana a le mong. Empa lekhetlong lena ba ne ba bat-

lile banana le bashanyana ba bane. Ke lona lebaka le ileng la etsa hore ho be le mantšano." A rialo.

A re sehlopha seo se ne se bopiloee ka Khotso Mosala ea ileng a hlaha le Pusetso Lekau ka ho bashanyana, ha banana e bile Khothalang Leuta ea

ileng a hlaha boemong ba bo 21, 'Mampoka Popane, Kabelo Mphoroane le Katleho Ralenono, ha mokoetlisi oa bona Agnes Selepe a ile a sala ka lebaka la bohlasoa bo ileng ba etsahala motsotsong oa ho qetela ha ho etsoa litlhophisosa tsa leeto.

A qetella ka ho khothatsa libapali tsena tse sebelitseng ka thata ho leka ho tlela Basotho tlhoho, empa a supa hore ke hona ba tla lula fatše e le botsamaisi ho leka ho itlhaloba le ho lokisa moo e bang ho bile le liphoso tokisetsong ea lipapali tsena.

Tšeliso Thakholi

LMPS e tlisa tšepo

Sehlopha sa Bolo ea Maoto sa Mokhahlelo oa A Division sa Quthing LMPS se ka se tla tlisa tšepo ho botsamaisi le balateli ba sona, ea ho phethahatsa thomo ea ho ba kahara lihlopha tse 'ne tse ka holimo lokong ha lipapali tsa Liki li fihla pheletsong isao, kamora ho nyolohela boemong ba boraro lokong ea lipapali tsa Liki e ka Boroa ea A Division.

Thomo ena ea Quthing LMPS, e fuoeng Mokoetlisi Mothepu Mahapa 'moho le sehlopha sa habo, ha selemo sa lipapali se qala, e bonahala e se e qalile ho phethahala ha e ne e sasara Members ka thupa e bohloko ea 1-0, papaling e neng e bapalloa Lebaleng la Members, Machekoaneng ka Moqebelo oa la 9 Pulungoana monongoaha, moo e seng e bile e nyolohetse maemong a boraro lokong. Ntlha ena ea tlhoho e hlhile karolong ea bobeli ea papali.

Thomo ea ngoahola e ileng ea fuoa Mokoetlisi Mahapa ea ho bona hore o qobisa Quthing LMPS selepe, e le hore se se theohele Mokhahlelong o ka tlase oa B Division, o ile a e pheth-



ahatsa ka bokhabane bo boholo.

Ho ea ka eena ba nka papali ka 'ngoe eo ba e bapalang ka nako, ebe ba etsa moralo oa ho e hlola 'me ha ba qetile ka eona ba boela ba itokisetsa e hlahlamang. A hlalosa hore papaling ea bona le Members bah-

lankana ba ntšitse moralo oa boitokisetso ba eona o ntse o le joalo, 'me o khotsofetse haholo. "Re ne re tseba hore maemo a lebala la Members h'a na ho re lumella hore re neheletsane bolo ka makhetha. Ka hona re ne re rahela bolo kapele ho mola oa bona o kamora,



Bantu e'a itlhakisa

Tšeliso Thakholi

Ka m o r a menyenetsi e ileng ea ipetsa ho marang-rang e reng Sehlopha sa Bantu se hlabisitse raliphatlatso oa sona, Monghali Pule Mosoati thoto ka monkhoane, se ntšitse phatlalatso leboteng la sona e bontšang hore Mosoati o itokolotse mosebetsing ka khotso le ka khutso ho se likhohlano tsa letho.

Phatlalatso e bontša hore Monghali Mosoati o ngoletse botsamaisi ba sehlopha lengolo leo ka lona a itokollang mosebetsing hang-hang ka lebaka la mosebetsi oa hae o mongata o amang lelapa la hae, o seng o mo sitisa

hore a ka phetha mosebetsi oa hae oa ho ba phala ea sehlopha. Phatlalatso e re leha ho ne ho se bonolo ho bona ho arohana le eena, ho latela lerato la hae la mosebetsi le boiphihlelo ba hae, empa ba ne ba se na boikhetlo ba ne ba lokela ho mo lokolla ho latela kopo ea hae.

Phatlalatso e supa hore Mosoati o ntse a butse mamati ka hohle-hohle, joalokaha e le Lekaota ho etsa letsoho la monna moo e bang sehlopha se tla hloka thuso le tlatsetso ea hae, molemong oa ho hollisa sehlopha sa Bantu. "Re tla mo hopola ka lerato le boitelo ba hae." Ba rialo ba bile ba phethela ka ho mo leboha haholo ka tšebetso ea hae e ntle eo a e entseng kahare ho sehlopha.

Mosoati o siea sehlopha sa Bantu se le maemong a bohloko lokong ka lipapali tse 'ne sa hlola ho tse tharo, sa bapala ka ho lekana ho e le 'ngoe se na le lintlha-kholo tse 10 ka mokotleng.

re ba khamella ka halofong ea bona." Ke eena eo.

Haele Motlatsi oa Moeketlisi oa Members, Thabiso Tsoako o itse bahlankana ba bapetse ka boitelo bohle, empa lekhetlong lena lehlohonolo le ne le se ka ho bona kaha ba hlotsoe ke

menyetla e mengata ea ho hlaba lintlha. A re ke lekhetlo la pele monongoaha ba lahlehela ke papali habo bona, sena se ka 'na sa ama bahlankana habohloko ka lihlohong empa ba tliho lula fatše le bona ho lokisa boemo bona.

MACHOKHA FC	RATJOMOSE 15:30	ACE MASERU FC
LIJABATHO FC	MORIJA 15:00	MANONYANE FC
LIPHAKE FC	RATJOMOSE 13:00	MZAMANE FC
LMPS FC	BAMBATHA 15:30	MATLAMA FC
LIFOFANE FC	BUTHA-BUTHE 15:00	LCS FC
LDF FC	BAMBATHA 13:00	LIOLI FC

It is alright to be different

Teboho Matjeka
63574502/58911803

We are wired to think we make sense and are acceptable when we are like other people or imitate them. This is why we lack so much in creativity. We are trying to do what others have done, we think we are a thing when we become copy cats, we



don't realise that this habit of copying what others do is a way of promoting the brand of that person. We replicate who they are, being what the world already knows and have seen yet deny the world who we could be, not just the world but even ourselves. We will never know the potential we possess until we explore it, then again, the question is, when will we be when are busy trying to be someone else? It is about time that

we make adjustments in our life, change our mind-sets, celebrate uniqueness, promote the fact that it is ok to be different from others. We attract wrong people in our life because we portray the image we aren't. We become miserable because of the company we keep, brought to us by the mask we are wearing. We should consider unveiling the mask and allow our true nature take control, then attract the right people who will compliment who we are. The essence is to celebrate and practice uniqueness.

fabric that speaks

www.moeletsioabasotho.co.ls



Mega
Fashion
Couture

Visit Us



PHYSICAL ADDRESS: TRADORETTE BUILDING ROOM B22

ELEGANCE COUTURE

ELEGANCE COUTURE

+266 58524642